



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1312 Usque Ad Annum 1351

Fleury, Claude

August. Vind. [u.a.], 1767

VD18 9011826X

§. 8. Papæ litteræ contra Pro-Comites.

[urn:nbn:de:hbz:466:1-66305](https://nbn-resolving.org/urn:nbn:de:hbz:466:1-66305)

tius, quam vestræ supplicationis verba, nullum vobis reddere responsum debemus. Volumus tamen per bimestre spatium omitti promulgationem poenarum, in quas vester incurrit Dominus. Hoc scriptum dabat eodem die septimo Januarii, & misit Episcopo Frisingensi in Germania divulgandum.

Sæcul. XIV.
A. C. 1324.

7. Vill. l. 9.
c. 239.
Corio. p. 460.

§. VIII.

Papæ litteræ contra Pro-Comites.

Ultimo die Februarii Raymundus Cardonius Dux copiarum Ecclesiæ cum Mediolanensibus, quibus Galeatius & Marcus Pro-Comites præerant, cruento prælio commisso victus, captusque, ac Mediolanum ductus est. Quæ clades tam acerbum Papæ animo vulnus infligit, ut contra Pro-Comites ederet tales litteras: Ut per communem famam pridem comperimus Matthæus Pro-Comes odiosæ memoriæ diversis e regionibus Summam ad Sedem euntium quosdam captos detentosque spoliabat bonis omnibus; missas ad nos epistolas per ministros suos interceptas aperiebat, lacerabat, vel pluribus dabat legendas. In senatu publico audivimus etiam, illum Ecclesiis, cœnobiis, cæterisque locis

Rayn. n. 7. 12

Histor. Eccles. Tom. XXIII. P. pie-

Sæcul. XIV.
A.C. 1324.

pietatis in urbe ac territorio Mediolanensi positum tributum imperasse gravissimum, tantaque violentia exegisse, ut Ecclesiastici suis privarentur bonis, in carceres conderentur alii, alii tormentis variis afficerentur. Erant itidem, qui conquererentur nobis, eundem ac filios ejus Galeatium, Marcum, ac reliquos occupasse bona Ecclesiarum etiam cathedralium in diocesibus, ubi exercuissent suam tyrannidem, & unde Præsules exulatum abire coegissent.

Matthæus expresse prohibebat, ne isti suas synodos, ac Religiosi Mendicantes comitia haberent sua: impediabat illorum inspectiones, ipsumque divini verbi præconium. Fovebat pravos cœnobitas & monasteriis per vim præficiabat. In Ecclesias seculares æque ac regulares intrudebat homines indignos, & in quendam Mediolani parthenonem vitiatas a se puellas. Episcopum Vercellensem in ipsius urbe obsessum carceri mandaverat: sed is Præsul hinc elapsus fugit.

u. 8.

Relatis quibusdam aliis criminibus Matthæi Pro-Comitis Papa venit ad filium ejus Galeatium, aitque: Placentinum Episcopum piæ memoriæ omnibus bonis exiit, excindens domos, vineas, ac reliqua; & quæ de proventibus capi poterant, in rem suam vertens.

Spolia-

Spoliavit etiam nonnullos hujus Ec-
clesiæ Clericos gravibus affectos plagis: Sæcul. XIV.
A. C. 1324.
& quorundam occisorum beneficia suo-
rum scelerum affinis contulit. Epis-
copus interim miserandum ad exilium
compulsus nos adiit, obiitque. Galea-
tius violentias suas longius protendens
Clerum Placentinum variis afflixit ex-
actionibus: sacrarum Deo Virginum
claustra perfregit, & abstractas inde ali-
quas corrupit: bona majoris securita-
tis causa apud Fratres Prædicatores, Mi-
noresque, & Augustinianos, aliisque in
locis sacris deposita asportavit: templa,
hospitales & alias pietatis domos incen-
dit: ac per concionatores edici voluit
irrogatas sibi censuras non esse formi-
dandas.

Papa dein Matthæum Pro-Comitem
ac ejus liberos accusat, quod Cardina-
lem Bertrandum legatione in Lombar-
dia fungi non siverint; discordiam ibi ac
bellum foverint; cum schismaticis fœ-
dera conflarint, & hæreticis faverint.
Tum addit: His ex causis jussimus Ar-
chiepiscopum Mediolanensem ac supe-
rioris Lombardiæ Inquisitores in patrem
& filios de hæresi suspectos quæstio-
nem instituere. Mandatum executi eos
declararunt hæreticos manifestos; ut
tales condemnarunt per plures senten-
tias ex intervallo latas, cuncta eorum

n. 9.

c. 10.

Sæcul. XIV. bona fisco addixere, & alias addidere
A.C. 1324. poenas. Reperitur quædam Aicadri Ar-

Ughell. to. 4.
p. 286.

n. II.

chiepiscopi Mediolanensis sententia 14
Martii an. 1322 contra Matthæum Pro-
Comitem scripta, & hujus crimina fu-
siffime commemorans. Papa pergit:
Post infelicem Matthæi mortem filii e-
jus Galeatius, Marcus, Luchinus, Joan-
nes, ac Stephanus in suis sceleribus ac
rebelli contra Deum & Romanam Ec-
clesiam impietate contumaces, indura-
tique perstiterunt. Quocirca de consilio
nostrorum Fratrum Cardinalium indicere
bellum sacrum contra illos, fautoresque
ac sectatores eorum statuimus: & no-
xarum veniam Palæstinæ succurrenti-
bus concedi solitam has per litteras lar-
gimur iis omnibus, qui contra hos pro-
scriptos ibunt. Dabamus Avenione
decimo Calendas Aprilis anno ponti-
ficatus nostri octavo, nempe 23 Mart.
1324.

n. 13.

Eodem die Papa Ludovicum Bava-
rum secundo monuit per litteras, in qui-
bus conqueritur, quod hic Princeps ex
concessa sibi dilatione altera nullum
capiens fructum, nec per se, nec per pro-
curatorem comparuerit. Adjungit:
Tentaturi tamen iterum, quid apud eum
possit Ecclesiæ indulgentia, promulgatio-
ne anathematis contra eum pronun-
ciati nunc quidem contenti sumus, ea

COR-

conditione, ut tres intra menses Romanorum Regis titulum deponat, Pro-Comites, cæterosque inimicos Ecclesiæ tueri desinat, & huic factas a se injurias omnes farciat. Sed hæc monitio haud plus effecit quam prima.

Sæcul. XIV.
A. C. 1324.

§. IX.

Supplicatio publica die festo SS. Corporis Christi.

Guilielmus Pro-Comitis Melodunensis filius post obitum Philippi Marenini ab anno 1316 Senonensis Archiepiscopus Parisiis cum Suffraganeis suis concilium provinciale habuit die sabbati post festum S. Matthiæ an. 1322, nimirum 3 Martii anno 1324 ante Pascha. Edebantur ibi quatuor canones pæne ad verbum repetiti ex concilio ejusdem provinciæ, quod idem Præsul anno 1320 die Jovis post Pentecosten celebraverat. Primus & maximi momenti canon vult, ut Episcopi in sua quisque diocesi populum hortentur ad carniæ abstinentiam & jejunium colendum die Mercurii post octavam Pentecostes, seu pridie festum augustissimi Sacramenti; & qui genium sic defraudaverint, quadraginta dierum indulgentiam consequantur. Concilium addit: De supplicatione

Cont. Nang.
p. 670.
to. II. Conc.
p. 1711.

p. 1680.